



BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON / KANTON SREDIŠNJA BOSNA

OPĆINSKI SUD U BUGOJNU

307. motorizovane brigade 92
70230 Bugojno, Bosna i Hercegovina

ID: 4236298440006
Tel: +387 (0) 30 251 – 005
Fax: +387 (0) 30 251 – 083
<http://opsud-bugojno.pravosudje.ba>

Broj: 46 0 Su 089913 19 Su 9
Bugojno, 31.10.2019.godine

Z A P I S N I K

Sačinjen dana 31.10.2019.godine u prostorijama Općinskog suda Bugojno povodom okruglog stola na temu Zaštitne mjere prema Zakonu o zaštiti od nasilja u porodici F BiH, kojim okruglim stolom se obilježava Evropski dan pravde.

Prisutni su:

Predsjednik suda Randžana Hadžibegović Haračić

Sudija Safet Žuljko

Sudija Sonsirej Radivojević

Darija Musa – Centar za socijalni rad Gornji Vakuf-Uskoplje

Pripoljac Tea – Centar ženskih prava Zenica

Smajić Haris – Centar za socijalni rad Donji Vakuf

Supur Elvir – Policijska stanica Bugojno

Zaim Muminović – Policijska stanica Gornji Vakuf-Uskoplje

Amir Balihodžić – Policijska stanica Donji Vakuf

Svjetlana Dinjaški – Policijska stanica Donji Vakuf

Senad Latić – Policijska stanica Gornji Vakuf-Uskoplje

Marko Jozić – Policijska stanica Bugojno

Dr.Salih Terzić – Centar za mentalno zdravlje Bugojno

Muratspahić Nahid – Centar za socijalni rad Bugojno

Kantonalno tužilaštvo Travnik - niko, uredno pozvani

Započeto u 13 sati

Dnevni red:

1. Uvodni govor i prezentacija predsjednice suda
2. Emitovanje filma na temu „Posljedica nasilja u porodici na razvoj djece“
3. Prezentacija na temu Vrste nasilja – sudija Sonsirej Radivojević
4. Prezentacija na temu Primjena Zakona o zaštiti od nasilja u porodici sudija Safet Žuljko
5. Diskusija
6. Zaključci

1. Predsjednica suda je pozdravila prisutne, zahvalila im na prisustvu, te navela da je obilježavanje Evropskog dana pravde postala tradicija u Općinskom sudu Bugojno, kao što je to u ostalim sudovima u zemljama članicama Vijeća Evrope a sa ciljem da se pravosudni sistem približi građanima u čijoj službi se i nalazi. Potom je navela da je nasilje u porodici opasno za svako društvo a posebno naše koje je postkonfliktno društvo, da nas na nulti stepen tolerancije prema nasilju nad ženama obavezuje Istanbulska konvencija koju je naša zemlja ratifikovala i potpisala među prvima u regiji. Nasilje u porodici ne pogađa samo žrtvu, ono pogađa sve članove porodice, posebno djecu koja takvo ponašanje prihvataju kao obrazac ponašanja, a što se može vidjeti i u filmu koji će se emitovati. Potom je prezentirana tabela sa brojem izrečenih zaštitnih mjera od našeg suda od 2016.godine do danas, a iz koje je vidljivo da je po zahtjevu Policijske stanice Donji Vakuf izrečeno 13 zaštitnih mjera, po zahtjevu Policijske stanice Bugojno izrečena jedna mjera a jedna mjera je odbijena, a po zahtjevu Policijske stanice Gornji Vakuf-Uskoplje izrečene su dvije zaštitne mjere. Zaštitna mjera udaljenje iz kuće izrečena je u četiri slučaja i to u tri po zahtjevu Policijske stanice Donji Vakuf i u jednom slučaju po zahtjevu Policijske stanice Bugojno. Zabrana približavanja žrtvi nasilja izrečena je u 6 slučajeva po zahtjevu Policijske stanice Donji Vakuf. Zaštitna mjera obavezno liječenje od ovisnosti izrečena je u tri slučaja, dvije po zahtjevu Policijske stanice Donji Vakuf i jedna po zahtjevu Policijske stanice Gornji Vakuf-Uskoplje. Zaštitna mjera obavezan psihosocijalni tretman izrečena je u tri slučaja, u jednom po zahtjevu Policijske stanice Gornji Vakuf-Uskoplje i u dva po zahtjevu Policijske stanice Donji Vakuf. Zaključeno je da izrečene zaštitne mjere ne oslikavaju pravo stanje u društvu, da je broj slučajeva u kojima bi trebalo izreći zaštitne mjere daleko veći ali da se ovakvi slučajevi ne prijavljuju iz različitih razloga. Predsjednica je podsjetila da su Federalna ministarstva shodno zakonu donijeli Pravilnike o izvršenju zaštitnih mjera i to: Pravilnik o načinu provođenja zaštitnih mjera za učinioce nasilja u porodici koje su u nadležnosti policije, Pravilnik o načinu i mjestu provedbe zaštitne mjereobaveznog liječenja od ovisnosti, počinitelja nasilja u porodici i Pravilnik o načinu i mjestu provedbe zaštitne mjere obaveznog psihosocijalnog tretmana učinilaca nasilja u porodici, a sa svim ovim pravilnicima prisutni moraju biti upoznati.

2. Pogledan je film na temu Posljedica nasilja u porodici na razvoj djece
3. Sutkinja Sonsirej Radivojević prezentirala je temu Vrste nasilja u porodici
4. Sudija Safet Žuljko prezentirao je temu praktični aspekti primjena Zakona o zaštiti od nasilja u porodici sa posebnim osvrtom na odredbe članova ovog zakona koji se odnose na pojam nasilja u porodici, pojam porodice, te sa akcentom na pojašnjenje načina izricanja svake od pojedinih zaštitnih mjera predviđenih ovim zakonom. Posebno je naglasio da obavezno treba primjenjivati odredbu čl. 19. Pravilnika o načinu provođenja zaštitnih mjera za počiniocima nasilja u porodici koje su u nadležnosti policije, koja predviđa obavezu policijskog službenika da se usmeno konsultuje sa organom starateljstva o predloženoj zaštitnoj mjeri o čemu sačinjava zapisnik koji se obavezno prilaže uz zahtjev za izricanje zaštitne mjere koji se dostavlja sudu.
5. Diskusija
 - Darija Musa predstavnica Centra za socijalni rad Gornji Vakuf-Uskoplje je navela da je u ovoj općini formiran multidisciplinarni tim u skladu sa Zakonom koji je prema riječima Zaima Muminovića, predstavnika PS Gornji Vakuf-Uskoplje već dao rezultate tako da se smanjuje broj slučajeva nasilja u porodici u ovoj općini. Također je naveo da je ova Policijska stanica podnosila više krivičnih prijava zbog nasilja u porodici sve u saradnji sa nadležnim tužilaštvom. Predstavnica Centra za socijalni rad je navela da je jako važno educirati sve institucije o posljedicama nasilja u porodici, te da je važno razgovarati sa samim počiniocima nasilja što su, oni kao Centar za socijalni rad, u više navrata činili.
 - Muratspahić Nahid predstavnik Centra za socijalni rad Bugojno je naveo da na žalost u Bugojnu još nije potpisan protokol o saradnji svih institucija koje se bave nasiljem u porodici i da je to potrebno što hitnije učiniti i na taj način primjeniti u zakonu
 - Dr. Terzić Salih, predstavnik Centra za mentalno zdravlje Bugojno je naveo da je njemu iz prakse poznato da je broj slučajeva nasilja u porodici daleko veći od onog koji je procesuiran, ali da smo mi konzervativno društvo u kojem žrtve oklijevaju prijaviti nasilje.
 - Smajić Haris iz Centra za socijalni rad Donji Vakuf i Svjetlana Dinjaški iz Policijske stanice Donji Vakuf su iznijeli pozitivnu praksu iz ove općine koja je rezultirala većim brojem zahtjeva za izricanje zaštitnih mjera, budući da je u ovoj općini potpisan Protokol o saradnji i formiran multidisciplinarni tim u skladu sa Zakonom. Svjetlana Dinjaški je navela da je potrebno da u slučaju nasilja nad ženama ovlašteno službeno lice bude ženskog spola budući da se žene ženama lakše povjeravaju.
 - Marko Jozić i Supur Elvir iz Policijske stanice Bugono su istakli potrebu za edukacijom predstavnika svih institucija koje se bave nasiljem u porodici, te su istakli zadovoljstvo zbog organizovanog okruglog stola i predložili da sastanci sa ovom temom budu periodično održavani
 - Pripoljac Tea iz Centra ženskih prava Zenica je navela da smatra da je jedan od razloga neprijavljivanja slučajeva nasilja u porodici nepostojanje kancelarija za besplatnu pravnu pomoć u SBK

6. Nakon diskusije doneseni su slijedeći

Z a k l j u č c i:

- Potrebno je aktuelizirati potpisivanje Protokola o međusobnoj saradnji nadležnih institucija za područje općine Bugojno
- Potrebna je konstantna edukacija svih aktera koji predlažu, izriču i izvršavaju zaštitne mjere prema Zakonu o zaštiti od nasilja u porodici
- Potrebno je preventivno djelovati kroz edukaciju građana o posljedicama nasilja u porodici i obavezi prijavljivanja istog, kroz škole, mjesne zajednice I zdravstvene ustanove
- Putem Ministarstva pravde SBK inicirati formiranje kancelarija za besplatnu pravnu pomoć na području SBK
- Potrebno je održavati periodične sastanke svih multidisciplinarnih timova iz općina za koje je ovaj sud nadležan

Završeno u 15 sati

Predsjednica suda
Randžana Hadžibegović - Haračić